



2016 yil "09" noyabr № 314

Farg'ona shahri

**Ўзбекистон Республикаси Президентининг
2016 йил 28 октябрдаги ПҚ-2646-сонли қарори тўғрисида**

Тадбиркорлик субъектларини давлат рўйхатидан ўтказиш ва ҳисобга олиш тизимини тубдан такомиллаштириш, уларнинг давлат органлари билан ўзаро алоқаларида замонавий ахборот-коммуникация технологияларини кенг жорий этиш ҳамда Ўзбекистон Республикаси Президентининг 2016 йил 28 октябрдаги “Тадбиркорлик субъектларини давлат рўйхатидан ўтказиш ва ҳисобга олиш тизимини такомиллаштириш тўғрисида”ги ПҚ-2646-сонли қарори ижросини таъминлаш мақсадида,

ҚАРОР ҚИЛАМАН:

1. Ўзбекистон Республикаси Президентининг 2016 йил 28 октябрдаги “Тадбиркорлик субъектларини давлат рўйхатидан ўтказиш ва ҳисобга олиш тизимини такомиллаштириш тўғрисида”ги ПҚ-2646-сонли қарори раҳбарлик ва ижро учун қабул қилинсин.

2. Ўзбекистон Республикаси Президентининг ушбу қарори билан:

тадбиркорлик субъектларини давлат рўйхатидан ўтказиш ва ҳисобга олишнинг автоматик тизими босқичма-босқич ишлаб чиқиши ва тадбиқ этишни назарда тутувчи тадбиркорлик субъектларини давлат рўйхатидан ўтказиш ва ҳисобга олиш тизимини (кейинги ўринларда – тизим) тубдан такомиллаштириш бўйича чора-тадбирлар комплекси маъқулланганлиги ва 2017 йил 1 апрелидан бошлаб тадбиркорлик субъектларини давлат рўйхатидан ўтказиш ва ҳисобга олишни амалга ошириш сутка давомида Ўзбекистон Республикаси Интерактив давлат хизматлари ягона порталида интеграциялашган интернет тармоғидаги тизим орқали амалга оширилиши;

мазкур талаблар банклар ва кредит бюrolари, уларнинг филиаллари ва вакилликларига, шунингдек қонунчиликда белгиланган тартибда давлат рўйхатидан ўтказиладиган нодавлат нотижорат ташкилотларга тадбиқ этилмаслиги;

рўйхатга оловчи ва бошқа ваколатли органларнинг мансабдор шахсларига тадбиркорлик субъектларини давлат рўйхатидан ўтказиш ва ҳисобга олиш бўйича қонунчиликдаги белгиланган тартиб ва муддатларга риоя этилмаганда, ноқонуний рад этиш ёки давлат рўйхатидан ўтказишдан бош тортиш ҳолларида шахсий жавобгарлик белгиланганлиги инобатга олинсин.

3. Вилоят адлия бошқармаси (М.Назаралиев) вилоят худудида тадбиркорлик субъектларини давлат рўйхатидан ўтказиш ва ҳисобга олишнинг тартиби ва муддатларига қатъий риоя этилиши юзасидан белгиланган тартибда назорат ўрнатсин.

4. Вилоят ҳокимининг ўринbosари С.Қўчқоров Савдо-саноат палатасининг худудий бошқармаси (Б.Султонов), Давлат солик (А.Тешабоев), Адлия (М.Назаралиев) бошқармалари, шаҳар ва туман ҳокимлклари:

Ахборот технологиялари ва коммуникацияларни ривожлантириш вазирлиги худудий бошқармаси (Ж.Каримов) билан биргаликда жорий йилнинг декабрь ойига қадар кейинчалик тизим интеграторига узатиш ва тармоққа кириш имконини тақдим этиш билан бирга ҳужжатларни қофоз кўринишидан электрон шаклга ўтказиш юзасидан тармоқ жадвалини ишлаб чиқиш ва амалга ошириш бўйича Ўзбекистон Республикаси Савдо-саноат палатасига;

жорий йилнинг 4-чораги давомида ноёб идентификаторли тадбиркорлик субъектларининг (юридик шахслар, якка тартибдаги тадбиркорлар) ягона давлат реестри электрон тизимини шакллантириш ва интеграциялаш бўйича Ўзбекистон Республикаси Адлия вазирлигига ўрнатилган тартибда таклифлар киритсинлар.

5. Вилоят ҳокимининг Иқтисодий ва ижтимоий ривожлантириш, хизмат кўрсатиш соҳаси ва тадбиркорлик масалалари бўйича ўринbosари С.Қўчқоров ҳамда Адлия бошқармаси (М.Назаралиев):

Ташқи иқтисодий алоқалар, инвестициялар ва савдо бошқармаси ҳамда тижорат банклари билан биргаликда 2017 йилнинг 1-чораги давомида таъсисчиларнинг устав фондида улуши тўғрисидаги маълумотлари мавжуд идоравий ахборот ресурслари электрон шаклларини яратиш ва интеграциялашни;

Савдо-саноат палатасининг худудий бошқармаси (Б.Султонов) билан биргаликда 2016 йилнинг 4-чораги давомида тадбиркорлик субъектларининг ягона давлат реестрига тамға-ўймакорлик корхоналарининг тайёрланган муҳр ва штамплари тўғрисидаги маълумотларини киритиб бориш имконини берувчи ахборот ресурслари электрон шаклларини яратиш ва интеграциялашни қонун ҳужжатларида белгиланган тартибда ташкил этсинлар.

6. Ўзбекистон Республикаси Президентининг 2013 йил 27 июндаги “Ўзбекистон Республикаси Миллий ахборот-коммуникация технологияларини тизимини янада такомиллаштириш чоралари тўғрисида”ги ПҚ-1989-сонли қарорининг:

3 иловаси ўз кучини йўқотганлиги маълумот учун қабул қилинсин;

4 илованинг:

9 бандидаги сўзлар “Алоқа, ахборотлаштириш ва телекоммуникация технологиялари давлат қўмитаси” “Ахборот технологиялари ва

коммуникацияларини ривожлантириш вазирлиги” сўзлари билан алмаштирилганлиги;

10 банднинг “бўйича масалалар” “ёшлар сиёсати, маданият” сўзлари билан тўлдирилганлиги маълумот учун қабул қилинсин.

7. Вилоят телерадиокомпанияси (Ж.Мамарасулов), “Фарғона хақиқати” ва “Ферганская правда” газеталари бирлашган таҳририяти (Н.Собиров)га Ўзбекистон Республикаси Президентининг мазкур қарори мазмун-моҳиятини тадбиркорлар ва кенг ахоли қатламига етказиш мақсадида оммавий ахборот воситаларида маҳсус кўрсатувлар тайёрлаш, шунингдек “давра сұхбатлари”, семинарлар, учрашувлар ва мақолалар чоп этиш тавсия этилсин.

8. Ушбу қарорнинг бажарилишини назорат килишни ўз зиммамда қолдираман.

Вилоят ҳокими

Ш.Фаниев,



